

րոխին: Այս վտակը իր ոռոգած հողերով
և բազմաթիւ առուակներով կազմում է
վեցերորդ գաւառը:

7. Կոլիկից ձորոխն ուղղւում է հիւ-
սիս-արեւելք ձախից ընդունում է նախ Խամ-
սալի՝ Փետնիցուր և ապա Մելօ առուակ-
ները մինչև Օրջոխ (Որջնհաղ) 35 կիլոմետր
երկարութեամբ, որը կոչւում է Խալխալի
վիճակը կամ գաւառը: Այս գաւառը իր
առուակների աւազանով կազմում է ձորոխի
եօթներորդ գաւառամասը:

8. Պալխար վտակը ընդունելուց յե-
տոյ ձորոխը ուղղւում է դէպի արեւելք 10
կիլոմետր երկարութեամբ մինչև Լիվանա
և Կոլիկ գեղերը և ընդունում է ավից Թոր-
դումի և Օլթիի միացեալ վտակները: Թոր-
դում վտակը սկսւում է Դումլու և Կուչ-
կուչլար լճից, հարաւից հիւսիս ուղղւում
է, անցնում է Թորդում լճով, թափւում է
Թեւի ջրանցքը և 105 կիլոմետր ճանապարհ
կարելով և բազմաթիւ առուակներ ընդու-
նելով՝ հասնում է ձորոխին: Թորդում
վտակն իր ընդարձակ աւազանով կազմում
է ութերորդ գաւառը ձորոխի Աւազանի:

9. Օլթի վտակն սկսւում է Կանդիլ
(Ոսկեանց) լեռներից, ուղղւում է դէպի
հիւսիս ընդունելով բազմաթիւ առուակներ:
Խնչպէս Թորդում վտակը, նոյնպէս Օլթի
վտակը իրենց ակունքում ունին բազմաթիւ
լճակներ, իրենց ընդարձակ մարգաստաննե-